

ABSALON  
ET  
ACHITOPHEL.

CARMINE  
LATINO HEROICO.

---



---

O X O N.

Typis *Lichfieldianis* Prostant apud *Ricardum Davis*,

Anno Domini 1682.

THE

LIBRARY

OF THE

UNIVERSITY OF

---



---

Acquired from the

Gift of

---

Amico meo Charissimo G. C. A. M.  
e Coll. M. Salutem.

**C**UM mihi jam plurimis (quibus antea distractus  
eram) negotiis liberato, hora non pauca subcesive  
superessent, operæ pretium (Charissime mi Amice)  
fore duxi carminibus componendis eas impendere, & Poesi  
litare; utpote quæ non tantum ingenium acuit, sed & ani-  
mum sæpè cogitabundum magis recreat, & demulcet. Sed  
crimineris me fortasse; neq; immeritò quod Poema tantâ  
ingenij subtilitate compositum, tam limato judicio elabora-  
tum transferre susciperem; quasi furtivis meis pennis de-  
coratum enitesceret magis, & splenderet. Non possum  
profectò diffiteri quin eadè etiam de causa mihi culpa non  
levis imputetur; sed in votis hoc tantum meis erat, ut si-  
quod elucubrassem præsentì temporum inserviret scenæ, &  
seculi genio quadraret. Et hoc insuper mihi non minimo  
solamini fuit, si tam divini poematis perfectionem neuti-  
quam attigissem, magnis tamen ausis excidisse. Fruere  
itaq; , Amice, his nugis meis, & cum seriis rebus vacare  
non juxet, hæc Tibi (sicut mihi fuerunt) in crepun-  
dia cedant, quibus lassatum studiis animum aliquatenus  
delinire poteris. In perlegendo hoc poemate paucis Te mo-  
nitum volo, ut ubicunq; Fœdus majori charactere signa-  
tum, aut cum Epitheto expressiori (viz. malum, malefi-  
dum, conjuratum &c.) conjunctum occurrat, Sermone An-  
glicano significari The Plot. Et hoc eò magis cautum

*vohui, quia nullo unico Latino verbo, quantum scio, ex-  
primi potuerit, nisi quod forsan Conjuratiōe significetur,  
quod verbum carminibus Heroicis non facile inferendum.  
Quod ad nomina Hebræa attinet, ea inter Aptota  
numeravi, quæ in omni casu, numeroq; terminationem non  
mutant: nec de eorum quantitate tam sollicitus fui, quin si  
aliquando deliquisse videar, tritus ille & vulgaris prætex-  
tus, Poetica nimirum licentia me excuset: Si quod deniq;  
erratum sit (& profecto in quo carmine non est?) Amicæ  
Tuæ, uti soles, severitate corrige, & limâ erade, & sic gra-  
tissimum facies*

Dat. Hartford  
Idib. Aprilis  
1882.

Amico Tuo

G. C.

---

ABSALON



( 21 )

Abſalon  
ET  
Achitophel.

CARMINE LATINO HEROICO.

Cognovère *pias* nondum *pia* ſecula *fraudes*  
Arte Sacerdotum, nondum vetuere maritos  
*Multipli* celebrare *jugo* connubia *leges* ;  
Cum Vir *sponſarum* numeraverat *agmen*, & uni  
Non ſervire toro, fato adverſante, coactus  
Plurima fertilibus produxit ſtemmata lumbis ;  
Cum ſtimulos Natura daret, nec legibus ullis  
Et ſponſæ & lenæ vetitum eſt *commune* cubile ;  
Tunc *Iſraelis*, cœlo cedente, Monarcha  
Concubitu vario vernas, nuptæque fovebat :  
Quaque erat Imperii limes, ibi meſſe feraci  
*Transcripta* Archetypi *ſparſim* generatur *imago*.  
Ornavit Regale caput Diadema *Michalis* ;  
Cultori ingratum, vel quod ſterileſceret, arvum :  
Non aliud par hujus erat ; nam plurima mater  
Jam pridem multos utero ſatis ubere natos  
*Feſſidi* peperit. Sed ſacra cubiliâ vernæ  
Cum premerent, ſoboles *obliquo* tramite Sceptrum

Artipuit, spūrioque fuit de sanguine Princeps.  
 Has inter stirpes eluxerat *Absalon*, ipsā  
 nec formā inferior, cessit virtute nec ulli.  
 An magē divino Pater inspiratus amore  
 Ipsum progeniuit *maiore libidinis æstro*  
*Præcoci ingenitū, vel quōd bene conscia fata*  
 Felicem dederint ad Sceptra *virilibus ansam*  
 Formæ *ornamentis*, & iter proclive parāssent.  
 Huic *Fama* in campis sonuit *matura* remotis  
 Inuictumque Ducem agnōrant socialia Regna :  
 Pace minas oculis, animoque excusserat arma  
 Quælibet, ut natus tantum *videatur amori*.  
 Siquod agat, mentes aded mulcebat, ut ipsum  
 Jusserit, *aut saltem docuit Natura placere* :  
 Quicquid agit, *genio* peragi *ridente* videtur,  
 Et vultu amotis rugis *afflabat amores*.  
 Lætitia hunc taciā fovet indulgentia Patris,  
 Qui quasi bis natum se viva in imagine vidit :  
 Nil inconcessum voto sitiente rogavit,  
*Annabal* at thalamo cessit socianda jugali.  
 Crimina siqua, Pater (quis enim sine crimine vivit?)  
 Non potuit, *lippis vel saltem aspexit oculis*.  
 Quosdam, quæis mirē lex blanda pepercerat, æstus  
 Impete commotos nimio dixere Juventam,  
*Fermento* tantum quæ *defacanda* calenti.  
 Impia & *Ammonis* ipecioso nomine cædes  
 Justa obtrectatæ famæ vindicta vocatur.  
 Sic *inconcussa* regeret dum *pæce Sionem*  
 Rex *David*, juvenis laudatur, & unus amatur.  
 At rarō faustæ series manet integra vitæ,  
 Dii pœnā pravorum urgent, tentamine justos.  
*Judæi*, populus rigida cervicis, & asper  
 Moribus, & querulus ; Gens nulla *procacius illā*  
*Vim velut extremam* est Divini experta favoris ;

Gens adamata Deo, *nimiâ lasciva quiete*,  
 Impatiens Regis, placandaque Numine nullo:  
 (Numina nam variæ molis, variæque figuræ  
 Quæ faber ex sacro potuit procudere ferro,  
 Aut pius Antistes effingere mente, probâisset)  
*Egregiè sapiens populus*, nimiumque beatus  
 Somniat heul iustæ se liberratis egenum.  
 Et cum per terras usquam Gens nulla reperta est,  
 Quæ magis arbitrio vixit, vel lege soluta,  
 Mox animum ad sylvas flectit, nemorumque recessus,  
 Et præter Satyros omnes servire putabat.  
 Qui post funebrem Sauli sine vulnere pompam  
*Isboset* insulsum *Diadema* odisse coegit;  
 Cujus ope ad solium *David* redit exul ab *Hebron*,  
 Rexque inter medios uno velut ore triumphos  
 Sæpe salubatur plausu resonante catervæ.  
 Ipsi hi *Judei*, vel tum cum summa professi,  
 Non Regi obsequium, ast *animi* sua varia *sequacis*  
*Arbitria* ostendant, & jam mirantur ad annos  
*Facitium* tanto colerent quid honore Monarcham.  
 Quem manibus fecere suis, fas tollere credunt,  
 Aut titulo donare *mero*, quo *Regia* tantum,  
 Aureus ut quondam vitulus, *coleretur imago*.  
 Ventilât hæc *obiter* *tumida* plebecula bile,  
 In scelus, aut quæstum nondum coalescere cœpit.  
 Optima pars populi *Judei*, & criminis expers  
 Dulcia tranquillæ bene noverat otia Regni;  
 Seclaque respiciens *cavto* terrore relapsa,  
 Vulnera conspexit *male facta*, & turpia visa.  
 Cumque cicatrices *grumoso sanguine* plenas  
 Viderit, execrata memor civilia bella est.  
 Quorum animus *nimiâ* tunc non excanduit ira.  
 His moti, posita dubitæ libramina lancis  
 Mole premunt, vigilisque *sagax clementia* Regis  
Sustulit

Sussulit optatam populis discordibus ansam.  
 Cum tamen in vetitum *genio lahente* feramur,  
 Providus *hamatam* Satanas mox projicit *offam*,  
 Et quasi *nequitiae leno* mala præbet amata,  
 Jam conjurati malefidæ *Fæderis* artes  
 Erupere, *Bonâ Causâ veteriq;* jubente.  
 Vera, an falsa licet, nam *Conjuratio Regum*  
 Excidium est, ipsaque trahit *Respublica* vitam.

Antiquam *Solymam Jebusito* semine nati  
 Incoluere viri, traxit urbs nomen ab illis;  
 Jus His *naivum* fuerat——  
 Cum tamen Electus geminatis viribus arma  
 Movisset populus, *Jus ipsum evasit iniquum*:  
 Et quo plura mali tulerat dispendia facti  
 Incola, censetur magè displicuisse Tonanti.  
 Viribus effictis, aut fractis hinc *Jebusita*  
 Vellent, an nollent, *Jessidem* agnoscere Regem  
 Coguntur, facti *extorto moderamine servi*,  
 Auctaque cum victâ solvunt tellure tributa.  
 Et quod vix animo humano tolerabile, falsis  
 Luduntur probris, *vilique æqualia ligno*  
 Numina *vulgari crepitant combusta favillâ*.  
 Moverat hoc rapidam Pagani Antistitis iram:  
 Ambit idem in varia nam Relligione Sacerdos.  
 Qualiscunque sui fuerit prosapia Divi,  
 Seu lapide, aut trunco, tenui vel origine nati,  
 Ipsum defendunt parili virtute ministri,  
 Tanquam *explorato* genus enumerasset ab auro.  
 Arque hæc Rabbiniis, quamvis hostilibus ipsos  
 incessant odiis, solers prudentia visa est.  
 Nam *Gens* obstrictos credit pietate togata  
 Det vitæ quicunque penu commune tueri.  
 Hincortum duxit *Patriæ communis* \* *Erinnus*,

\* *Virgil.*

Re

Re mala, sed specie nova Conjuratio peior.  
 Excessu laudata pari, & traducta, probata  
 Jurantium verbis, morientium voce negata.  
 Non excussa vagæ penso libramine plebis,  
*Indigesta tamen, massaque absorpta recenti.*  
 Quædam vera tulit, sed cum farragine mirâ  
 Falsorum mixta, & mendacibus abdita larvis,  
*Subtili ingenio paradoxa, crepundia crasso.*  
 Qui nullis, facilemve dedit omnibus *olim* aurem  
 Traditur æquali sibi delirasse furore.  
 Ritibus *Egyptis* fatuus *Jebusita* colendis  
 Se devovit, ubi commendat Numina Gustus.  
 Numina nec dubium est, cum non insulsa, placere;  
 Quæ simul in Divos cultori & pabula cedent,  
 Vi potuit nullâ spretos obtrudere Divos  
 (Nam binis impar fuit & *Tyrinthus* Heros).  
 Hinc placuit tentare dolos (*Antistitis* artes)  
 Nam stolidos suavis citius quàm robore vinces.  
*Judeos* tandem facto velut agmine cœtus  
 Clamosi invadunt præfixâ fronte magistri,  
 Factoresque sui cultus scrutantur in Aula,  
 Atque ipsum alliciunt ad pulpita sacra *Iupanar*.  
 Quod tulit *Hebraeus* non æquâ mente Sacerdos,  
 Balantem quod lana gregem sua jure sequatur.  
 Persuasum est aliis intenta pericula Regi  
 Bombardis, olim per secula longa repertis.  
 Non hoc jurabit vates, sed Dæmone junctus  
 Quis novit quantum poterit *Jebusita* cruenrus?  
 Hoc, quod vulgari tantum strategemate sultum  
 Sperato nunquam successu *Fœdus* egeret,  
 Omen, & occulti dederat præsagia damni.  
 Nam velut accensus cum corda per intima flagrat  
 Febre cruor, celeri *flagnum* delabitur undâ  
 Protinus, & peccans citò quilibet æstuat humor.

Qui prius innocuas lambit sine murmure ripas :  
 Sic cum divisum est studia in contraria vulgus,  
 In spumam terret parilem, Regnoque minatur.  
 Quidam iudicio facilis centenitur amici,  
 Sed plures sapuisse suo, & velut obice jacto  
 Imperio, frustra quod captavêre, resistunt.  
 Quosdam Aulæ immeritus favor insignivit, at illinc  
 Ejecti, Lemurum ritu, obdurantur in ipsis  
 Flagitiis. Alios ad munera publica Regni  
 Affines solio, condonatosque rebelles  
 Fatali extulerat Rex mansuetudine David.  
 (*Arcta quidem vincla, ingratos si vincla ligârint.*)  
*Achitophel* fallax horum vetus agmina duxit  
 Signifer, exosum ventura in secula nomen.  
 Consiliis promptus vaftris, versutiùs illo  
 Occultos ageret nemo cum fraude cunctos.  
 Turbidus ingenii, capitis subrilis, & audax,  
 Iudicii nullo constans dictamine, nullâ  
 Sede, sed imperio fremit indignatus in omni,  
 Dedecus incensum, velut unguis in ulcere, torquet,  
*Igneâ mens* latè dum sese expandere nisa est,  
*Pygmæam* senio quasi molem attrivit edaci  
 Corporis, obducens limosa habitacula formâ.  
 Rebus in angustiis audax *Naucleus* & idem  
 Exultans ipsis, dum sæviat unda, periclis.  
 Tempestate frui gaudet, pelagoque sereno  
 Iratus brevia, & scopulos accedere gessit,  
 Ut tantum ostentet, quantum scirâ arte valeret.  
 Ingeniis certè comes est dementia summis,  
 Atque horum tenui distat discrimine limes.  
 Aut hic divitiis, titulisque onoratus honoris,  
 Sedata effatæ cur denegat oria vitæ?  
 Torqueat & carnis siccam insatiabilis offam?  
 Quæ quamvis fundo quasi suspiravit in imo

*Exhaurique timet, tranquillæ est prodiga vitæ.*  
 Totus & hic sudor tanto ut conamine partis  
 Filius iste; *bipes, animalque implume, fruatur.*  
 Qui confusa vagæ est inter phantasmata mentis  
 Edictus, informis moles, rudis instar Anarchæ.  
 Infidus fidis, & inexorabilis irâ,  
 Aut geret Imperii, penitûsve excindet habenas.  
 Hic *triplici* rupit socialia *fœdera* nodo,  
 Ut prope divulsis tremere quassata columnis  
 Ipsa Salus Populi; sub quo *cervice paratâ*  
 Longinquo *servire* jugo stetit Incola Judæ.  
 Hunc famæ ambitio cepit terroribus actum  
 Grata, nec erubuit patriæ pater ipse vocari.  
 Tam facile est *animis* *sevit* cum mobile vulgus,  
 Si *Commune Bonum* specie simuletur inani,  
 Crimina *fucatâ* privata recondere *larvâ*.  
 Quàm sacra nequitia, & tutò *Catilina* rebellat!  
 Quà nemo in blandam poterit delinquere plebem:  
 Crimina quæ spectat *nictanti* vulgus *ocello*,  
 Culpa nec ulla patet, quia quo delicta videntur  
 Alterius, *speculo* sua contemplatur *eodem*.  
 At *merita* famæ nec perfidus invidet hostis,  
 Quòd *fora* clamoris moderator *litibus* orba  
 Fecerit, & *trutinâ* justum deciderit æquâ;  
 Sed *vix* *Patricium* merito dignamur honore.  
 Justior *Abbethdin* *Israëlitica* nunquam  
 In *fora* descendit, neque jura latentia lotis  
 Purior explicuit, manibûsve *intactior* auro.  
 Sponte, & *judiciis* miseros protexit *inemptis*,  
 Accessu facilis *succincta* ad munera *cura*.  
 O! Sibi si Regem meritis obstringere tantum  
 Æmulus ambiret sola exercendo Togatæ  
 Munera militiæ, vel si non nobile semen  
 Ingrato lolio, & *sterili* premeretur *avenâ*:



Huic *David* *Lyricas* pulsaret pollice *chordas*,  
 Æternoque uno caruisset carmine *cœlum*.  
 Ambitio at properat præceps ad lubrica, in uno  
 Nescia stare loco, solidâ tellure gravatur  
 Compingi; at gaudet glaciali tramite duci  
*Achitophel*, justæ famæ pigræque beate  
 Pertæsus vitæ jam fastidivit onustos  
 Fructibus auratis impunè excerpere ramos,  
 Brachia sed cupido dedit auxiliaria vulgo,  
 Regia quæis fructus concussa remitteret arbor.  
 Jam detecta suum vulpecula vafra reatum,  
 Qui quondam latuit fœtante reconditus ovo,  
 Prædicat, in stratam Regemque laceffit arenam.  
 Jus contra Regem Causæ popularis aperto  
 Descendit clypeo & postico crimine *leges*  
*Persequitur*. Posthac speratam *Fœderis* ansam  
 Arripit horrendi, quod tam prægnante receptum  
*Ingenio* plura eduxit, majoraque factis.  
 Hinc mala secretis refert inventa susurris  
 Nescio quæ, capiti timidæ impendentia plebis.  
 Mox tamen arbitrio sobolet tractanda meraco  
 Imperia, & Regem *Jebusitam* detegit ipsum.  
 Argumenta quidem delumbia, sed bene novit  
 Quàm faciliè his capitur populus proclivis ad arma  
 Sponte suâ, *Domina* namque ad ludibria *Luna*  
*Judei* rapti motus imitantur eosdem:  
 Et post lustra (ferunt ut *Scribæ*) quatuor ipso  
*Naturæ instinctu* Dominum mutare docentur.  
*Achitophel* frendeabat adhuc Ducis indigus apti;  
*Absalon* hinc placuit, caput insuperabile bello:  
 Non quod *tergeminis* optaret honoribus ipsum  
 Tollere (*Patrieius* nam rato flagrat amore  
 Aut odio) titulo, sed quod cognoverit orbem  
 Et justo mancum, cogi dare vela favori



Plebeio, ut regum velut expirante supremam  
 Majestate Animam tandem delata Potestas  
 Ad plebem, & populi facies, Regalia ferret.  
 Compositis mulcere dolis Hunc tentat, & acre  
 Effundens virus verborum, talia fatur.

*Augustissime Princeps!*

In natalia cujus  
 Regale Australi pollebar in æthere sydus;  
 Deliciæ, patriæque idem redamantis Adonis:  
 Et Tutelari trepidam qui protegis igne,  
 Obscuræq; die defendis tegmine nubes.  
 Tu Moses alter cujus vibrata marinos  
 Virga secat fluctus, sanctæ confinia terræ  
 Ostendens, cujus surgentem in quolibet ævo,  
 Lucem inspirato cecinit sacro ore propheta.  
 Optantis populi votum lætabile vatum  
 Augurium, juvenum demissum cœlitus æstrum;  
 Religiosa senes de Te sua somnia fingunt.  
 Conscia Gens omnis Te, Te *Æneas* fatetur,  
 Omen & aspectu nunquàm satiata precatur.  
 Sic non quasitis celebrat vestigia pompis;  
 Nomen & Infantes lingua titubante docentur  
 Balbutire Tuum, blasphemæ extollere Voce.  
 Quid tantâ suspensa morâ communia differs  
 Gaudia? jejuna rânquàm moderamine gentis  
 Defraudes genium, peragisque inglorius annos.  
 Ecce! pie stupidus vento pascêris inani  
 Virtutis, donec quæ jam Tua gloria fulget,  
 Palleat, & fiat repetito evanida visu.  
 Crede mihi, extensa subito, stirps Regia, dex  
 Collige maturum, aut putrescet in arbore fructus.  
 Aut serò aut citius cœlesti lege jubentur  
 Fausta repentinæ fortunæ emergere fata;

Quæis benè si vigili velut *insidiamur* oculo,  
 Artis ope (Humano nam res humana regenda est  
 Arbitrio) tanquàm clivo delabitur æquo  
 Fortuna, & *primo* resumit ab *impete* vires.  
 Indeprensa tamen celeri velocior aurâ  
 Evolat, & *ricu* stupidos *inbiente* relinquit  
 Mirantes *ad terga* fugax, jam jam Tibi palmâ  
 Insigni occurrit, dumque exagitata volatu  
 Festinat, pandit laxos in fronte capillos.  
 Si *David*, cujus genitalli enascere lumbo,  
 Sceptra recusasset fortunâ blata secundâ,  
 Exul perpetuus *Gathi* mansisset, & *unctus*  
*In cassum caelesti oleo* diadema petisset.  
 Erigar abjectam spem fortunata juvenis,\*  
 Sed defecturæ vites exempla Senectæ.  
 Aspicias occiduo dùm mergitur æquorè Phæbus  
 Crescit ut elatis *extensa* vaporibus umbra.  
 Non jam qualis erat Jordani in littore quondam  
 Ad vada cum populus grege confertissimus uno  
 Applausu reboans stetit, & lætante propinquum  
 Præ turba *obductum* latuit caligine litus :  
 Sed velut Angelicus Princeps è culmine lapsus,  
*Contractâ* præceps descendit ad Infimâ luce,  
 Quem *fatuum Fœdus* populari prodidit iræ  
 (Solut ab exoso reditu successus) adunco  
 Undiq; Plebs naso, salibusque illudet amaris.  
 Grex hominum, qui quondam uno quasi fasce ligatus,  
*Diffusus* tenui sparsum rareffet ab aurâ.  
 Viribus Ille Tuis quibus oblectabitur armis,  
 Hostibus assiduis septus, nudatus amicis ?  
 Ancipitem Pharaonis opem si posceret, illo  
 Judæam auxilio magis irritaverit iram.  
 Auxiliatricem Ægyptus *simularet* amicam,  
 Et non suppetlis Regem, sed fomite bellum

Promotura novo; nec Regi astricta fidelis  
 Pars populi Ogygiis Jebusitæ assisteret armis.  
 Si tamen assistat, Jellidem in visa Potestas  
 Franget, & auxilijs magis enervabitur ausis:  
 Dum Gens tota mea Reges feliciter arte  
 Detestata suos miseri Jellidis iniquum  
 Imperium excutiat. Nam jam clamantur ad omnes  
*Relligio, Libertas, & Respublica* vicos.  
 Publicus ipse pugil *dignum Te vindice nodum*  
 Si solvas, titulum & regalem insignibus addas,  
 Quid non Israël speret? Præconia quanta  
*Talis, & ob talem* dux Ipse merebere *Causam*?  
 Non laudis sonitu, aut vacuâ celebrabere famâ,  
 Quæ fatuis solâ est blandita, ut Tulipa, formâ,  
 Ast erit imperium *solido tibiae fultum*;  
 Limite nobilior justoque inclusa Potestas,  
 Dilectæ unanimi Patriæ Tibi tradita voto est,  
 Quàm longâ titulus serie, & caligine multâ,  
*Semesusq; situ* Sacrà direptus ab Arca.

Quid non Laus animis generosis imprimet?  
 Ambitio quos cæca rapit, *palpantq; salaces*  
 Blanditiæ. Sitis Imperii vapidissima terræ,  
 Noxiaque herba soli cœlesti semine nata est;  
*Gloria dicta Dei*: sed cùm Natura laborat  
 Hâc humana siti, præcordia mollia tantùm,  
 Coeligenæ nimidum torret scintillula flammæ  
*Pruritu imperii, famæque libidine* vanæ.  
 Turgidus Angelicâ Juvenis nimis indole, captus  
 Illecebris Virtutis iter malè sedulus erro  
 Deseruit. *Bibulas* sic blandus *inebriat aures* \*  
 Applausus, sic *laude satur* viriatur adeptâ.  
 Dissentire malo, nec consentire gravatus  
 (Nam *vel adhuc* tumidæ Regali sanguine venæ  
*Fervebant*) sic effatur—

Vid Juv.  
 Satyr. 11.  
 v. 114.

— Quo publica Gentis,

Jam

Jam mihi prætextu libertas suggerit arma ?  
 Indubiâ Genitor populum ditione coerct,  
 Deliciæ humani Generis, fideique columna  
 Antiquæ, comis, *legum observantior ipsâ*  
*Plebe suâ*, & multis cœlestia numina miris  
 Susceptæ partes egere faventia Causæ.  
 Cui mala *curriculo* regni dispendia *toto*  
 Intulit ? *incassum* vel quis Regale tribunal  
 Adfugit ? venia quot mille beaverat hostes,  
 Justa implicatæ quos ultio tradidit iræ ?  
 Humanus, facilis, nostræ utilitatis avaræ  
*Amulus*, & clemens, fundendo in sanguine parvus.  
 Candida Judæa malè si cervice feratur  
*Manſuetudo, Dei est ipsius amabile crimen.*  
 Proderit infido populum quid fallere fucò,  
 Arbitrio meo jus inviolabile regni  
 Commutare sui; *Pharaoh* moderamine tali  
 Dicat frugifero verba execrantia Nilo,  
 Servilique jugo paret : at Jëssidis amana  
 Si nimis *ingratam* moveant moderamina *bilem*  
 Judæis, illo premit ægra Canicula morbo.  
 Cur igitur pravos *pressis calcaribus* urgens  
*Insanire* juvet motis *populariter* armis ?  
 Si sua crudeli vexâsse tyrannide regna,  
 Aut Jebusitæis cuperet succurrere turmis,  
 Non indigna querar; sed nexa ligamine sacro  
 Compescat motus Natura, manusque retardet.  
 Arma quidem populus pro libertate moveret;  
 Sed quod *jus illi* tribuit, *mibi crimen* habetur.  
*Festinus* mihi nulla *furvos* opranda relinquit,  
 Anxiusat *tardis properat* præcurrere *vetis*.  
 Dum spirat *David* quid plura rapaciùs optem ?  
 Omnia, regali excepto diademate, cedit.  
 Atque hoc — Tunc agro ducens suspiria corde,

Devo-

Devotum est *malis* caput insignire *meritis*.  
 Nam cum transactæ Genitor post tædia vitæ  
*Serius* ad æthereas *fata* properaverit auras,  
 In folio stirps *vera suo* dominabitur: expers  
 Hujus, in \* agnato descendet tramite, sceptrum.  
 Invidia quamvis populari oppressus, at audax  
 Frater, jura tenens certo *pendens* *fata*,  
 Omne quod *incoctum* est generoso pectus honesto  
 Subjecit, vel charus adhuc, quæis vita fidesq;  
 Inculcata manet. Stabili pronuntiat hostis  
 Virtute infractum, fidum profitentur amici,  
 \* Obsequium Princeps, famam testabitur orbis,  
 Hujus & indigno parceret clementia vulgo,  
 Namq; indulgenti certè est à stemmate natus.  
 Cur aded decreta querat nimis improba cæli  
 Quod gestanda mea non det regalia dextra?  
 O! mihi si flatu spirantia fata secundo  
 Nobiliusve Genus, mentemve ad sordida pronam  
 Contulerint, animam mihi tantorumq; capacem  
 Non tam plebeia misceri sorde dedissent.  
 Sentio, jam spirant altæ præcordia motus  
 Maternusque movet Patri fastidia venter.  
 Natali *arctatus* tenui quid origine claudor?  
 En! Anima irridet mea tali affinia nexu,  
 Et dictat tacitis sceptro prognata susurris,  
 Magnorum cœleste famem fore nobile crimen.

Sic dum Tartareo Juvenis *mancone* vacillans,  
 Et nisa imbelli Virtus munimine pressa est,  
 Hic nova semicremis fomes incendia lignis  
 Subjicit, & tales emisit pectore voces.

En! Deus æternus, qui prudentissimus idem,  
 Optimus hæc Genio non est largitus *inani*  
 Eventu miranda Tuo tot dona: beatum  
 Quot reddent Vestrum miracula recondita regnum?

Collateralis.

Ejus.

Ipsa Tua *inviti licet*, argumenta probant,  
 Te tantum solio dignum, sceptrumq; mereri.  
 Non mihi quod fannas moveat Clementia Patris,  
 Sed magis exornat virtus diadema virilis,  
 Vera loquor, lenis *popula* concedit *hianti*  
 Quicquid aver, sorte & *voti non debita iustis*.  
 Sed favor imbellem testatur prodigus, & non  
 Ingenii, blandæ sed verior indolis index.  
 Quò populus vinclis spariari in compita ruptis  
 Certaret, nisi sub distracto, & deside Rege?  
 Concedat, donec sua concedendo *fatiscat*,  
 Pauperiem frugi *Sanbadrim* fuisse docebit.  
 Quilibet & siclus, fixa quem clauseris arca,  
*Abrahe* pretio quasi *majestatis* emetur.  
 Insidiis vexare novis mihi provida cura  
 Incumbit, rigidivè malis immergere belli,  
 Quod multis opibus constabit, sanguine multo.  
 Dum velut exhaustis infirma *araria* *venis*  
 Deficiant, *jurisque* inopes *regalis* eodem  
*Reliquia* pretio *curti* *centussis* emanant.  
 Omnibus imponam Jebusitar nomen amicis,  
 Aut de Niliaco stipendia principe dicam  
*Venali* data ferre *fide*, quos nostra revulso  
*Extorsit* rabies cum *tutelaribus* *ulnis*  
*Crispatâ* vulgi suspensum *nare* relinquam.  
 Imperii, quem jam tremebundus abominor, hæres  
 Proximus, *invidiæ nostræ* contemptior *arte*  
 Prostat & ex ipsâ *traxit* *virtute* *ruinam*,  
 Me duce Presbyteris & publicus audit hostis.  
 Pignore depositi primo *licitabimar* auri  
 Jus ejus, donec fixâ *venale* sub *basia* est:  
 Dum *laris* *incorruptum* *ritulum* rescindere lege  
 Jessedem *duris* *urgens* in *rebus* *egestas*  
 Constringat, det jusque Tibi. Sed nolle putemus

Et populi reges regnant, & jure creantur.  
 Imperium tantùm est *fidei commissa* potestas,  
 Quæ domino subtracta semel, non ampliùs æqua est.  
 Comuni sancita bono successio, Gentem  
*Consensu invitam* dispendia terre tenebit?  
 Si populum series querulum mutata levârit,  
*Unum pro populo dabitur caput.*  
 Judæis vis nota sua est, moderamina Saulo  
 Cum nondum commissa truci, sub Numine Rege  
 Vivebant, ipsumq; ausi detrudere regno.  
 Dic mihi quâ Pietas? Nati quâ nomen? & æquum  
 Jus patris? & famæ manet anxia cura futura?  
 Hæc commune bonum (cui cœlum paruit ipsum,  
 Vox Populi) rapido quasi dissipat omnia vento.  
 Non mentitus amor generose fascina menti  
 Injiciat. Natura suum genus arte propagat.  
 Indulgens Genitor, fata etsi sera perosus,  
 Diligit in vivâ se prolis imagine tantum.  
 Emicet aut factis favor exploratus amicis,  
 Desinat aut natum prætextu eludere vano.  
 Dilexisse Tuum Patrem Deus ipse fatetur,  
 Veracemque dato (*Ratio solidissima*) regno  
 Se probat, indicium nec erat fallacis amoris  
 Pastorique gregem & conferre peculia tanta.  
 Dilectum David Te vellet Adonida credi?  
 Cur capiti ignoto diademata regia tradat?  
 Quo vultu, nomenque Pij quo vendicet ore?  
 Diis placet hæredem *structâ* deludere fraude?  
*Æmulus* Hic summo cumulat moderamine fratrem,  
 Sed sterilis legata soli tibi perdira tradet: (nos,  
 Fortè Lyræ Antiquam, veteres quâ obmurmurat hym-  
 Quædam insulsa Tuas Hebræa aut cantica laudes.  
 Proximus hinc hæres, princeps austerus & acer,  
 Jamjam *zelotypo* spectat Te lumine, spectat



Ille dolosque Tuos *raro velamine* textos;  
 Observat quali praeordia decipis *escā*  
 Humana, ingentes quantumvis murmure luctus  
*Strangulet* interno: Nam siqua injuria questu  
 Non pater, introrsum meditans vindicta repender.  
 Qualiter hirsutus Lybicus dormitat in arvis,  
 Aut inhians praeda *simulat* Leo ducere somnos,  
 Dum lustra incautē securus obambulat hostis  
 Rugitu pressō, contractoque excubat ungue:  
*Maturo* tandem juvat insanire furore  
 Terribilique feris celer exilit ore latebris:  
*Iratūque licet*, prostrato ignoscere vulgo  
 Gestit, at indomitæ post flagra reciproca caudæ  
 Pinguefacit tremulo se venatore triumphans.  
 Res Tua consiliis tardis nec lenibus apta est;  
 Stet Tibi seu fato vinci, vel acuminis ense.  
 Latiferi victā de gente referte triumphos:  
 Quem, cum vita Tibi statuatur palma, relaxa  
 Vaginā inclusum; Nam cum Natura vocarit,  
 Te *primogenitā* mandat quasi *lege* tueri.  
 Nec semel incensam sine defervescere plebem,  
 Audiat infandum nē *justa* *Rebellio* crimen.  
 Ipse datam capias, quæcunque extenditur, ansam,  
 At tituli æthereā Genitor dum vescitur aura  
 Jus inquire Tui, nullaque ut imagine sumi  
 Arma putent, capta in tutelam Principis ede,  
 Cui secreti hostes, ficti insidiantur amici,  
 Et JESSIDÆ quis tūm penetralia mentis  
 Rimari poterit? nimia formidine forsan  
 Exuat ingenium suspecti affabile damni.  
 Quid? quamvis natum propter sponsale jugalis  
 Connubii votum, *seraque* solubile lege,  
 Depereat, totō metuit sed pectore fratrem.  
 Hæc ita? *sperat* *vi* se submittere flagrat,

Utque



Uique salax mulier, tantum ut videatur iniquo  
 Constringi fato, & rapido torrente relem,  
 Nec metuas, *missa si cum subriserit ira,*  
 Optatum gratâ diadema auferre rapina.  
 Sed patrocinium capto sine Principe causæ  
 Enerve est, capturn Regem nam jura sequuntur.

Dixerat arrecta magis auscultaverat aure  
*Absalon* his, vitæ (tantum ambitione remotâ)  
 Integer, immani nunquam feritate notatus,  
 Nec fastus tumuit *vesica* inflatus *inani*.  
 Quam felix esset si provida fata dedissent  
 Aut non tam dignis, aut nobilioribus ornem  
 Stemmatis! solium juste Tua Regia virtus  
 Affereret; Gens quæque Tuo, nisi *Patria*, felix  
 Viveret influxu: tamen incantamina summi  
 Cum pauci Imperii *rigida* *cervice* recusent  
 Non agimus fontem, sed lamentamur ineptum.  
 Spes intensa fuit *rivalia* viribus *arma*.  
 Frangendi oppositis, dubium populique favorem  
 Captandi blandis (*merces vilissima!*) verbis.  
 Sic dum zelotypa caluit plebecula flamma,  
 Hic conjuratum *populari* efferre boatu  
 Molitur *Fædus*, quem providus agmine juncto  
 Incitat *Achitophel*, studiis discordibus actâ  
 Stipatus turbâ, quam conglutinavit in omne  
*Concordem* facinus subtili callidus arte.  
 Optima Pars regni, numerosaq; principe multo  
 Censuit imperio nimio regnare Monarcham.  
 Rerum ignara cohors, Patriam quæ pectore cæco  
 Deperit, seducta malâ, non impia, fraude.  
 Impulsa Hæc *Proprio*, velut elatere premente  
 Fune nimis tenso contorserat omnia (tantus  
 Error erat) Regni grepuit dum *machina* laxi.

Civiles

Civiles alii lucro movere tumultus,  
 Tam vili Officium nō sit venale tributo:  
 Judæis expōsta foris Regalia vendunt,  
 Communisque boni *proprium* sub imagine *querunt*.  
 Credebant alii grave pondus, inutile, Reges,  
 Qui quanti steterant, nullo cum fœnore solvunt.  
 Hi studuere *merâ* Jessidem expellere *sorde*,  
 Ut *frugi*, & parcè fierent impendia regni.  
 His latus adjunxit cœtus clamosus, & omnes  
 Qui *meritâ* sperant tolli ad fastigia *linguâ*.  
 Proxima turba quidem *geminò* discrimine terret,  
 Nec tantum Jessidem, at Regem infestius odit.  
 Gens Solymara, *pios* olim benè docta *tumultus*  
 Moliri, motis in seditionibus audax:  
 Victoris gladio perculsa & territa, Regi  
 Legitimoque minax, restauratōque superba.  
 Viderat invisum Pagani *Fœderis* ortum,  
 Indignata suas Jebusitæ cedere palmas.  
 Duxerat Hanc Levita furens, divulsus ab Arca,  
 (Quam, dùm Judicibus pareret Juda, tenebat,)  
 Mugitus iterare *novos* per-compita cœpit,  
 Et *clamore pio* Regem sibi poscere Nomen.  
 Sub quo cum sacro \* Sanhedrin antistite Gentem  
 Expilent, *ipsòque* probent *afflamine* *justum*.  
 Nam jus ad sceptrum dederit si Gratia, regnum  
 Quis melior Princeps Aaronis prole meretur?  
 Dux gregis Hæc fuerat, quàmvis & naris obesa,  
 Imperium sed latratu majore laceffit.  
 Post hanc Sanctorum sequitur numerosa propago,  
 Obstipò capite, & defigens lumina terra,  
 A cunis *ipsis* divino afflata furore.  
 Huic rerum forma, & compōstus displicet ordo:  
 Chaos antiquum placet, *indigestæque* *moles*  
 Imperij. Emicuit sed grex numerosior horum

\* *Inspirato.*

Qui

Qui blaterant multa, & mediantur paucula, solo  
 Instinctu, genibus flexis, & poplite curvo  
 Majorum ignari aumen, *Propriumque* colebant.  
 Qui cæco ejusdem Jebusitam munere sati  
 Dæmonaque oderunt, licet invitiq; saluti  
 Devisi æterna coeli natalibus ipse  
 Non possunt quia vera fide non vana fatentur  
 Machina quanta virum quisq; horum! at turba relicta  
 Majori numero seu casâ repullulat Hydra  
 Imperii quidam Proceres, quos emicat inter  
 Dux primus *Zimri*, *vento inconstanter ipso*,  
 Et vernis levior folijs, videatur ut esse  
 Non homo, at humani generis compendia solus.  
 Dogmatis usque tenax, ductusque errore perenni,  
 Subsultim quasi quæque, diu se nulla professus;  
 Nam dum præscriptam *Nevelem* recurreret orbem,  
 Idem & Patricius, Citharædus, Squira, Chymista,  
 Nunc lena, rythimi, commercia læta, bibonum  
 Picturæve placent, præter phantasmata mille  
 In meditando secus expirantia mente.  
 O felix demens! dederat cui quælibet hora  
 Aut nova quæ cuperes, quibus aut fruerere cupitis  
 Laudibus aut probis vulgari calluit usu  
 Afficere, & nimiam (sapere ut videatur) utrisque  
 Excessu urbanus tanto, tanto effusus, omnis  
 Ut Deus, aut Dæmon, cum fratre audiret \* *Erasma*.  
 Exhaustire levæ patrimonia noverat arte,  
 Omne data, præter meritum, mercede rependens,  
 Fortunis ipsi misere emunxere chorabi,  
 Utq; jeco frueretur inops patrimonia solvit.  
 Explofit sese Regali subdolus Aulâ,  
 Dividit hinc faciem studia in contraria plebem,  
 At nequirit præferre facem. Namq; *Abfalon* (illo  
 Invito) & juncta curarum mole premuntur

Nota satia Fa-  
 bula est, viz.  
 aut Deus,  
 aut meus E-  
 rasmus.

*Achitophel*

*Achitophel: animo tantum sic improbus Ille,  
Suppetiis nudus, non seditiosa malorum  
Deseruit conventa, sed est desertus ab illis.*

Sed Titulos Procerum, vel honorem carminis infra]  
Nominaque, ambages nimis est prolixa referre,  
Quos juvat ingenium vivax, Respublica, Bellum,  
Optima pars; blandi sed cætera turba mariti  
Censentur, *Satrapæq; meri*. Crassæ ergo *Minervæ*  
Juv. Sat. 1. Nomine, sis *Balaam*, cum magno elate deunce,  
v. 40. *Unciolæq; Turæ* cum pondere frigide *Caleb*,  
Intacti *Satyræ*; & memori de pectore *Nadab*  
Excidat æternum, licet ad suggesta remugit,  
Pascaliq; olim nova jussula coxerat agno.  
Abscundet quædam secreta nomina larva  
Fœdus Amicitie, meritorum fama suorum  
His munimen erit, contemptus proteget illos.  
Non locus hic *vili vulgo*, cui gratia cœli  
Nulla datur, tribuunt cui nulla insignia Reges.  
Nec *Jona*, cujus *palearia* pendula *colli*  
Turgescunt, *tortæ* poruit qui lege rebelles,  
Civilisq; facies motus, defendere jure.  
Hunc tamen insequitur *presso pede* nequior alter,  
Quem Deus unxisset diris feralibus ausus  
Sectari *Shimei*, cujus matura juvenus  
Prædixit superis zelotem, & regibus hostem.  
Ingentis cautè sumptis peccata perolus,  
Nec nisi *pro modico* violabat *Sabbata* *quæstu*.  
Non mordax quæquam *Stygis* incescere diris  
Traditur, imperio nisi quod fortasse reclamet.  
Sic sibi thesauros *notis satis artibus inter*  
*Judæos*, *precibus multis & fraude*, recondit.  
Mox odium in dominum digna quo dote rependat  
Hæret obstincta *pium*, dederat cum falsæ secures.

Justici

Justitiæ tenuit vibrata insignia dextra,  
 Aurea pendebant sudante monilia collo.  
 Dum tulit hic frænos, *impune* & vindice nullo  
 Oppetitur Princeps, tota è *Beliale* propago  
 Lascivit, festosque dies genialiter egit.  
 Nam *Shimei*, quàmvis rerum non prodigus, æquo  
 Vicini scelus & sese dilexit amore.  
 Nam conspirassent uno si foedere pauci  
 Contra *Judæum* probra effutire Monarcham  
 Perpetuus medio *Shimei* consederat horum  
 Dictator petulans, & si maledicta cæterva  
 Evomat in Regem, nè displicuisse tacendo  
 Credatur missis palpat commercia diris.  
 Insimulare reos quis seditionis amicos \*  
 Auderet? *Censura* fori duodena paratur  
 Ex tot *Judæis*, animoque & dispare cultu,  
 Quæ fratres *impune* *pios* à verberare legis  
 Eximet humanæ. Poenam nam publica Jura  
 In fidos Regi statuunt, Soliòque tuentur  
 Infestos. At si majora negotia Regni  
 Forte vacasse darent (quia perdita luditur hora,  
 Nec sine peccato, qua nulla negotia tractat)  
 Tentabat populum scriptis impellere chartis,  
 Ut credat vanos Reges, & inutile pondus  
 Affore Mechanicæ (tantùm prospexerat!) arti.  
 Scriptorumque gravis *stylus* ut *limatior* esset  
 Fumantes calices *Rehabitâ* impensius odit.  
 Intemerata cadis cellaria; spreverat urbis  
 Præpinguem luxum sua mensa duumque-viralis,  
 Segnitie longâ coquus obliviscitur artis,  
 Inque caput domini *migravit flamma* culinæ.  
 Frugalem hanc curam monstrato *Zoilus* ungue  
 Ridear, at certè populus *Judæus* egebat.  
 Oppida suppositis nam si semel ignibus ardent

\* Ejus

His meritò fasces tradunt, qui cauribus iram  
 Coelestem succenso *torum* non igne laceffent.  
*Pabula* jejunis sat *spiritualia* servis  
 Præbuit, at carnis parcus, quia *Juda* rebellis  
 Hac erat, & pluris pender *Mosaica* Jura  
 Monte quoddam sacro lux quadragesima vidit  
 Jejunum. Sed cuncta loqui, quæ digna taceri,  
*Faderis* infidi testem lassaret anhelum.  
 At tenebris Te nulla regent oblivia, *Corah*,  
 Effer Te solido monumentum *erectius* are  
 Altiùs elato parilis Serpente metalli,  
 Dum *Tutelaris* Gentes tua protegat umbra.  
 Quid si nascatur vili? *Terrena* Comet æ  
 Materia est tantâ fulgentis in æthere luce.  
 Prodigiosa pari proles textoria famâ  
 Gesta patret, quàm si *Thusco* de *stemma* natus.  
 Testantum Hi facile *Princeps* excusserat uno  
 Hoc facto veteres vili de sanguine sacces.  
 Quis dubitat Testes proavis clarescere, quorum  
 Martyrio *Stephanum* pia juramenta bearunt?  
 Noster erat *Levita*, utque inscia credidit ætas,  
 Tota tribus *divinus* erat *famulatus* Olympi.  
 Huic oculi latuere cavi, vox rautâ sonansque,  
 Indicia irati nunquam, aut manifesta *superbi*.  
 Ingenium pendens mentum subtile probavit;  
 Ore ténus rubuit sacro, quasi *Mosis* adinstar  
 Fulgeret facies radiis circumdata lucis.  
 Abdita mirando prospexit acumine fata,  
 Humanamque fidem superantia *Fœdera* novit:  
 Quæ malè censeret petulans mendacia livor,  
 Nam mens fingendis humana est talibus impar.  
 Vera refert quædam cauto ventura libello,  
 Ast ubi dicitur *Testis*, dat verba *Propheta*. (dunt,  
 Ante oculos quædam, totidem quasi phasmata lu-  
 Spi.

Spiritus hunc rapuit, quo nescio, turbinis instar,  
 Rabbinique gradu, titutuloque ornavit honesto,  
 Quem non ulla tamen longinqua Academia novit.  
 Judicium ast animo memori præstabat acutum  
 Tam bene quod Testis verba indigesta resarcit :  
*Concinne Sæcli genio quadraverat ipsi*  
 Tunc *Jubusit* ai sceleris sub mole mentis.  
 Suspiciat remerè cœlesti voce citatum,  
 Atque antiquatum puter ostentare libellum.  
 Qui mala *Judæis* vover, ast injuria tanta  
 Decreta est pœnis, & vindice lege rependi :  
*Nam tollit vitam, qui subdolos involat artem.*  
 Ipse ego si simili, *Coræ* vice testis, honore  
 Dignarer, si quis tam duræ frontis inurat  
 Stigmate me tanto, *quamvis semel immemor essem,*  
*Obtusam exacuam mentem.* chartaque recenti  
*Illo* rescribam sceleratum *appendice Fœdus.*  
 In Cœlum zelus Regem perstringere sanis  
 Impulit, & justæ tenebras offundere sanæ.  
 At zelo, tanquam genuino jure, malignis  
 Indulta est verbis, & mira licentia factis.  
 Et tali *Corah* cæsum mandaret *Agagum,*  
 Increpuit quali *Saulum* sermone Propheta.  
 Vi junctâ quicunq; fidem fovère labantem  
 Testis (& hi quales precibus quæruntur, & ære)  
 Cum *Coræ* unanimes in classe locantur eadem ;  
 Nam resonant omnes communi nomine *Testis.*

\* v. l. Samuel.

Cinctus Amicorum *variâ* miser inde *farinâ*  
*Abſalon,* elusus Regalem deserit Aulam ;  
 Spe tumidâ *prægnans,* vano stimulus honoris.  
 Atque inflammatus visu *propiore* Coronæ.  
 Latitâ tacitâ sese in spectaculo præbet,  
 Undique submissa *populari poplite* flexus,



Composito gestu, vultu, & sermone facetus.  
 Sic bene natura instructus, limatus & arte  
*Labitur ignoto per pectoris intima motu.*  
 Tum blando aspectu comis, gemituque loquaci  
 Et lachrymas suadente prius, quàm verba profatur;  
 Pauca refert, grato sed demulcentia sensu,  
*Dulcius Hyblæo & levius stillantia melle.*

Conqueror, Indigenæ Patrii, deperdita fata,  
 Prævertendi impar. En! hic miserabilis Exul  
 Crudeli insidiis Ego præda tyrannide Legum  
 Exponor vestrà Causa, tamen O *mihi soli*  
 Contigerit periisse! mihi si sola fuisset  
 Jactura Imperii, natûsque nec ampliùs essem!  
 Sed spolia, & *fractâ de libertate triumphos*  
 Quisque refert vestrà, *Tyrus ac Ægyptia tellus*  
*Præcidunt artis questus, Jebusitanq; sacros*  
 Invadit ritus. Genitor (cui dignor honorem  
 Dum loquor) ignavâ capitur torpedine famæ  
 Securus, minimique lucro corrumpitur auri,  
 Et *Bathsheba's* senuit mollius in ulnis.  
 Evehit ad fasces hostes; confundit amicos  
 Ille suos, *secum commissis dimicat armis.*  
 Cedit, *jusque meum* longæva in secula cedit, (ro?  
 Sed proprium, ac Vestrum sumpto quid proderet au-  
 Hic tantum, Hic Genti poterit pertundere venas  
*Solus, & ultrices impunè elabatur iras.*  
 Ergo meas lachrymas (madidôsque; absterfit ocellos)  
 Excipite, his tantum *nunc* auxiliaribus armis  
 Instruor, *hæc* nullus carpet Parasiticus Aula  
 Delator, cum Jura sinant asperrima natum  
 His uti in Patrem: votisque ardentius opto,  
 Ut sub venturi moderamine Successoris  
 Non alius justè miser *Isrâlitæ* queratur.



*Rarò lite cadunt* Facundia, Forma, Juventus,  
 Sed *Commune Bonum* nullo non prævalet ævo.  
 Nèc Populus mæsto misereri desinet ore  
 Publica miscentis proprio infortunia fato.  
 Plebs (quæ continuâ regnare tyrannide Reges  
 Cogitat) elatis Juvenilem carmine palmis  
 Messiam celebrat, qui pompâ instructus equestri  
 Propositum jam pergit iter stipante cæterva:  
 Solis ad occasum *radios diffundit* ab ortu,  
*Cumque illo* lustrat Promissam lumine Terram.  
 Illi Fama *loquax*, quasi Phosphorus, alite penna  
 Præcurrit, latisq; sonis tremit æther ovantum  
 Eminus, Hospitio secum tulit Ille Penates  
 Quo fruitur, sacrisque dicat quâcunq; moratur  
 Æde diu, at lautæ propter convivia mensæ  
 Dives in occiduis, famæq; per oppida notæ,  
 Partibus, *Iffucharus* digno celebratur honore.  
 Hæc oculos populi quæ *mobilis* oblinet *Aula*  
 Prætulit & pompam, mentitâ abscondita larvâ est.  
 Struxerat *Achitophel* tacitos ut ubiq; recessus  
 Secretasq; dolo potèrat novisse latebras  
 Pectoris humani: verum *hæc* distinxit amicum  
*Tessera*, ut expensæ vires in bella paterent.  
 Omnia nam pulchro latuèrunt abdita fuco  
 Dum speciosus amor, Regiq; obtenditur ardens  
 Obsequium. Miseris iterata voce *Levamen*  
*Ærumnis* petitur regni, & solennia sacra  
 Relligionis agi nusquàm cum pace queruntur;  
 (His semper capimur, semper mulcemur & escis)  
 Et Regem dubio positum in discrimine vitæ  
 A Fratre, & Sponsâ. Sic Conjuratio pompâ  
 Fingitur ingenti, & bellum larvale videtur  
*Pax ipsa*. O vecors, nec damnis cautior ullis  
*Isrâel!* *escâ* deludere semper eadem?

An ququam vegetæ steterant dum corpore vires  
 Vexatum miseri se finxit *imagine morbi*,  
 Contemnens placidæ, quæ jam trahit, otia vitæ?  
 Anxius ardebat mala prælagire futura?  
 Regibus Hæredes, decreta imponere cœlo?  
 Quid? Poterit populus sua, natorumque suorum,  
 Imperia invitis nativa remittere natis?  
 Cuilibet expositi domino, rabidoque Neroni  
 Effrænis cui sit sua pro ratione voluntas,  
 Tunc essent, *jurisque bases* condantur inanes  
 Principibus *si impune datur rescindere leges*.  
 At si quod justum est statuatur *judice plebe*  
 Et regum fidei tantum commissa tenentur  
 Imperia, hoc pactum revocans *concredita jura*  
 Rex iniit primus, vel in omne abrumpitur ævum.  
 Si qui sceptrâ darent propriis obstringere factis  
 Non poterant natos, seros quo jure Nepotes  
 Et Genus Humanum *peccando obstrinxit Adamus*?  
 Et cur Justitiâ Cœli damnemur ad Orcum  
 Qui lapsus *voto non suffragante Paternum*  
 Laudamus? domiti jugâ tum servilia Reges  
 Supposito terrent collo, *populi que favore*  
*Emendicato* sibi tradita regna capebant,  
 Adde quod ignarâ posita est in plebe potestas  
 Quâ *Proprium* pendat. Nam quis privata tueri  
 Jura potest, victâ de Majestate triumphet  
 Si vis effrænis, soliôque exturbet a vitio?  
 Omnia *nec dubio* populi suffragia vero  
 Semper egent, multi paucis sed *crassius* errent?  
 Clamoris vulgi Princeps ululatibus insons  
 Audiat Oppressor, Pestis scelerata, Tyrannus.  
 Quæ fixa instabili vulgo mensura ruenti  
 Continuo fluxu, & celeri magis impete metæ  
 Quò propior? Nec plebs vertigine sola labore

Lunari hæc, Sanhedrim sed corripiatur eadem ;  
 Cum sæclo possit simul insanire rebeli,  
*Mentitè quæ reos delicti excindere Reges.*  
 At si det quodcunq; liber, cuicunq; placebit,  
 Non tantum Reges (simulachra expressa Deorum ?)  
 Sed quasi subductis ruet ipsum imbellè columnis  
 Imperium, regnumq; vetus *Natura* relapsum  
 Restituet, *quo cuncta licent & omnia jus est.*  
 Finge tamen Reges *populo omnipotente* creatos,  
 Quis benè constructo solium fundamine fixum  
 Evertat ? series nam qualiscunq; malorum  
 Prima fuit, nullum est poenæ lenimen a fello \*  
 Tot dominis servire novis : Respublica tantum  
 Erratis aliis agitur, at improba fata  
*Lethali, cum regna novant, ea verbere cædunt.*  
 Fabrica si nutet vetus impendente ruinâ,  
 Mænia qui tulcit, rimâsq; obducit hiantes,  
 Officium præstat ; tamen hic ponenda labori  
 Meta suo, & siquis fixi pomæria finis  
 Transiliat præscripta vagus, det sanguine poenas,  
 Seu temeris manibus Sacram contingeret *Arcam.*  
 Qui audet injustis, & in improba dirigit arcum,  
 Fundamenta novis modulis aptare vetusta  
 Nititur, humanas Sacrasq; infringere leges  
*Totiusq; gravi partes sarcire ruinâ.*  
 Maxima pars hominum nimia sic sedula curâ  
 Elicuit morbum morbo graviore minorem.

\* *Vid. fabulam*  
*de Alino &*  
*Fullone.*

\* *ut Remus.*

Jam quibus auxiliis poterit succurrere David?  
 Quàm Regi fatale nimis candore benigno  
 Indulgere suis ! Paucos numeravit amicos  
 Et, furor huc crevit, talem quicunq; vel ausus  
 Dicere se sprevis populus cane pejus, & angue.  
 Ast aliquos etiam vel secula pessima nôrunt

Quos

Quos repetam, & tantum repeto dum nomina, laudo.

Hoc prior exiguum *Barzillai* duxerat agmen,  
*Barzillai*, clarusq; annis, & honore senilis.  
 Ultra Jordanum vastis regionibus olim  
 Fregerat oppositis Hic arma rebellia turmis.  
 In regni columen, tunc tristia fata luentis,  
 Infauti domini *nimis infelicitèr* audax.  
 Mæstus in exilio Sacro cum Principe consors  
 Vivebat, miseriq; tulit dispendia fati  
 Expulso pro Rege, comes redeuntis & idem.  
 Huic Aula, *at vestrâ* placuit non *Aulicus* arte,  
 Dives opum, ast *anima thesauris* ditior amplis.  
 Qui benè præcautâ sibi legerat optima curâ,  
 Militiæque sagum, & scribes gestas Camænas.  
 Jactabat multâ fœcunda cubilia prole,  
 Nominis at plusquàm jam decurtata Paterni  
 Vox resonat. Primum lecti sponsalis amicum  
 Pignus Ego luctu (mandant ita fata) perenni  
 Deploro, semperque colam, quod flore juventæ  
 Invisis fatis, & *cæli crimine* raptum est.  
 Nec prius abcessit summam posuisset honori  
 Quàm metam, natûsque patri, regique fidelis  
 Subditus, obsequii signis eluxerat arcti:  
 Curriculum vitæ celer, at breve temporis egit.  
 Circule proh! parve, & spatio angustate minuto,  
 Sed vis divinæ, & summè perfecta figura.  
 Per mare, per terras omnes Tua fama vagata est  
 Non æquanda, *Tuum, bellum fuit; Arma, voluptas;*  
 Vis Tua suffulxit Tyrios infusa labantes,  
 Te sensit *Pharaoh* properam velut obice sisti  
 Fortunam tumidas, laus O! antiqua, manusque  
 Invieta! indemnâ cui nunquam obvenerat hostis.  
 Sed tamen *Israel* non tanto nomine dignus:

*\* Immodicis brevis est atas, & rara senectus.*  
 Decrevisse Dei quoddam fatale videntur,  
*Fortunam mentiq; parem donare nec ausi.*  
 Nunc Anima, excusâ terrenâ mole, relata est.  
 Ad superos, nubes stellataque regna reliquit.  
 Affines illinc legiones mille reducas  
 Quæ Tutelari poterunt succurrere Regis  
 Uiq; Tui genio, junctiq; umbone tueri.  
 Lassa fatigatas hîc Musa sed exue pennas;  
 Cœli æternâ domus nullis attingitur alis.  
 I. dic Barzillai Tibi defecisse loquelam,  
 Quod prius in tenues foret exhalanda vapores  
 Dic Animæq; Tuæ. Tamen expiraverat unâ,  
 Atq; hæc defuncti tumulo scribenda reliquit  
 Carmina Patroni. Sed jam descende supernis  
 E cœlis præceps, licet accensâq; lucernâ  
 Terrisquære parem, si par tamen emicat usquam.  
 Hunc sequitur, pressosq; legit vestigia passus,  
 Antistes Zadoc, qui dedignatus honores  
 Ambiit immeritum submissâ mente favorem  
 Davidis. Huic comes est Sagan Solymæus opimo  
 Hospitio, & longo proavorum stemmate clarus  
 Tellure occiduâ, cujus divinus ab ore  
 Sensus & appositus manat facundia dictis.  
 Hoc monstrante viam Gens tota prophetica paret  
 Regibus, ingenuas discitque fideliter artes.  
 Nam stant munificis Collegia fulta Monarchis,  
 Et bellum Musis prius indixere rebelles,  
 Quàm Regi. Legum sunt proxima turba columna,  
 Quæ dirimit lites, causasque disertius orat.  
 Hanc sequitur Procerum Regi devincta fideli  
 Nexu turma, sagax Adriel, Musisque benignus,  
 Ipse etiam vates—Qui, cum fremuisset iniquis  
 Consilijs Sanhedrim, Regi fidissimus hæsit,

Diogenes.

E

Nec

*Nec tamen imperio servit; cui David amicus  
Contulit effræni direpra insignia nato.*

*Vividus ingenio Jotham, & limante Minervâ  
Acrior, imbutus Naturâ, atque arte politâ  
Suadendi instructus, qui deterioribus actus*

*Viz. Partius.*

*Paulisper studiis \* tandem meliora sequutus.  
Nec tantùm sequitur, posito sed pondere lancem  
Depressit dubiam, & trutinam libravit iniquam.  
Rebus in angustiis Regi addictissimus Hushai,  
Pertulit adversas immorâ mente procellas  
Publica quas rabidi excivir dementia vulgi.  
Hic Jessidææ prudens elementa juventæ  
Erudiit. Pactis longinqua per æquora notis,  
Nativoque suo non experientia vero  
Defuit. Hic solum parvâ ditavit egenum  
Sedulitate, manu at sua præbuit omnia largi.  
Cum turget pleno cumulata pecunia fisco  
Res tractare leve est, sed deficiente crumena  
Aris opus. Depressa nimis, nimumve superbit,  
Vendere Majestas, cùm Plebs emisse, coacta est.  
Lassa lyram digito saliente percute Musa  
In laudes Amielis ovans; quo carmine dignus  
Non Amiel? veterum quonobilitate parentum  
Illustris, meritisq; suis illustrior extat,  
Nobilis absq; novo titulo, vel nomine clarus.  
Infanos æquâ Sanhedrin compressit habena  
Dux gregis Ille diu, & ratione coercuit æstus.  
Tam benè defendit Regalia nemo, fideli  
Nec pro Gente loqui potuit formator ullus.  
Utque tribus uno Solymæas turba maniplo  
Hæc retulit, sic ille repræsentaverat Ipsam.  
Jam tamen Aurigæ currus temerariùs urgent,  
Quorum testatur laxis nimis effera frænis*

*Viz. Auriga.*

*Vis artem veteris \*. Quippe hi, Phaethontis adinstar,  
Inver-*

Invertunt annum, *tritoque è calle* vagantur ;  
 Anxia dùm placidus Sanhedrim deliria rider,  
 Et securus agit tranquillæ Sabbata vitæ.

Obtinuit primas Hæc parva, at turma fidelis  
 Heroum, impavidum steterat læthalis Hiatus  
 Illa Sateilitium, strictasq; retuderat hastas,  
 Et rabiem unitam fuit ausa laceßere Gentis.  
 Undiq; balistas vidit gemebunda paratas,  
 Imperium Regale solo quæ impulsibus æquens.  
*Seditione potens* ficto ut terrore carerva  
 In Sanhedrimi vero Regem *deglubere* jure  
 Enisa est, regni Successor ut exul ab Aula,  
 Et *conductio* mala conjuratio teste  
 Creverat, aspexit, Pie tas ut jusserat ipsa  
 Ostenditq; suo læthalia vulnera Regi.  
 Nunquam concessos vulgo placuisse favores  
 Indicar, at stabilem *foverunt lenia morbum.*  
*Absalon* interea, Septri quem prona libido  
 Concitat, *elato* populum seducere palpo  
 Calluit; *Achitophel* odio stimulatus iniquo  
 Sub conjurati *speciosa* Fœderis umbra  
 Communi impetuit Sacra & Civilia fato.  
 Concilii magna est, Plebis vecordia major,  
 Et *Shimei* diras *Solymam* eructare docebat.

Quem pressit tantâ cumulata injuria mole  
 Eventus rerum meditantî corde volutat.  
 Cùm tandem lassata foret patientia, David  
 Erexit solio sese divinus avito,  
 Et cæli afflatu profert hæc dicta, loquente  
 Turma Creatorem in domino reverentior audit.

Hætenus indociles Ego mansuetudine Gentes  
 E 2 Nativâ



Nativâ rexi, simulatâ concitus irâ  
 Aspexi, & tardo pede damna illata rependi  
 Tam facillè ingrato peccata remitteret ævo;  
 Mulcebat tanto Genitor lenimine Regem.  
 At jam *tam vili* prostat Clementia nostra,  
*Jus audent ipsi veniæ* perquirere fontes.  
 Unum pro multis clamant ab origine natum;  
 Natus at imperio est, hæcque ultima meta Monarchæ.  
 Appellant Timidum, rarò quia sanguine poenas  
 Exigo, tot Genium quantumvis probra virilem  
 Affligunt leviùs, plagisque minoribus urgent.  
 At cum pativo deducant tramite, lenem  
*Me non invito, Geniòve obstante, docebo.*  
 Subditus *elata* quæ fert opprobria *crisâ*  
 Non Regem, at *dignâ* lassarent *mole Camelum*,  
 Si meus obtento juvenilis Jure Columnam  
 Concuteret *Sampson*, pereat *consorte ruinâ*.  
 Ast O poeniteat scelerum, moresque retrahet!  
 Quàm mala condonant faciles ingrata parentes!  
 Quàm paucis lachrymis, veniam mereatur *Adonis*  
 Ille meus, *cujus partes Natura tuetur!*  
 O Juvenis miserande! *meâ* proveste paternâ  
 Fabrica quanta levis tulit ad fastigia curâ.  
 Si natum Imperio voluissent fata, sereno  
 Donâsset terrenam Animam magis igne *Prometheus*.  
*Ingenti* capitur *Patriotæ nomine*, qui jam  
 Nil nisi conscriptâ justum qui lege Monarcham  
 Opprimeret, solioque suo depelleret, audit.  
 Grandiloquus vani populi *Thraso*, *machina cauti*  
*Patricij*, nunquam crassi *Patriota* cerebri  
 Non fuit. Unde tamen, quod Religionem tuente,  
 Et patrocinio Legum majore, Paternam  
*Absalon* explodat *Causam?* Direpra magistro  
 Cum nondum antiquo fuerant insignia, nunquam  
 Cœlestis



Cœlestis tantâ *cumulari* dote favoris  
 Traditur. O Superi, quali Patriora colore  
 Pingitur, *indomitas cum Plebs ardescit in iras?*  
 Quem populus *trepidante* colit *pietate*, rebellis  
 Ille mihi. *Obtrusus* tot suffragantibus *hæres*  
 Ascendet solium? Sanedrim *sua munera* discat  
 Largiri. Saltem diviso Jure coerces  
 Imperium Princeps, vincet neque calculus ullus  
 Si non communem *meus* immittatur in urnam.  
 Me Princeps votis non subscribente legetur?  
 Jus tacitum confert præsentem expellere Regem.  
 Electum impresso sed confirmare sigillo  
 Supplicat, at *Jacob* (cutis est cui *lævis*) *Esavi*  
 Non manus hirsutis bene convenit hispida villis.  
 Vota pii cœlo pro nostra æterna salute  
 Subjecti fundunt, sitque ut discriminis expers  
 Imperio nudant. A seditione latente,  
*Confutisque dolis*, Superi defendite salvum:  
 Sed mihi \* *Mendicam* præsertim avertite *turbam*;  
 Non uterus sterilis, tumultusve rapaciùs ambit,  
 Largiri nequit *ipse Deus* sibi quanta rogabit.  
 Quid superest? vigili Juris Regalis oculo  
 Quàm quasi reliquias, minima & fragmenta, caverem.  
 Lex erit Imperii directrix regula nostri,  
 Coget & infractos eadem parere Rebelles.  
 Non jam continuo *legum tibi* *cine nifum*  
 Vota, quibus totum minus unâ parte probatur,  
 Imperium, quacunque volunt, *dominantia* flectent.  
 Non accusantùm fidos *garritus* amicos  
 Damnabit, noto nec plebs sine crimine pœnas  
 Infliget. Famules namque in discrimine nulla  
 Dii Regesque suos non sedulitate tuentur.  
 O si præscripto Salvandi limite tantùm  
 Clauderet? Heu! cœlo similis, cur mente coactâ

\* *Petitionem.**Invito*

*Invito pœnas genioque reposcere dignas  
 Impellor ? Nudo tandem mucrone ferire  
 Justitiæ cogor ? Fatum proh Legis iniquum !  
 Quàm malè perpendunt animo clemente Timorem !  
 Præmoneo, non læsa fremit patientia, sævit.  
 Expoſcunt Legem ? quaſitâ Lege fruuntur.  
 His quaſi monſtrato placuit non Gratia tergo,  
 Sed ſacram inſpiciunt audaci lumine frontem,  
 Atque ipſo intuitu pereunt. Nec juſtior ulla  
 Lex eſt, quàm propriâ artiſices necis arte perire.  
 In ſe jurabunt per conſcia ſydera Teſtes,  
 Dum, velut erofis depaſta eſt vipera matris  
 Viſceribus, parili ſic Conjuratio fato  
 Hæc materna ruat, plenoſque voraciter hauſtus  
 Sanguinis epotent, primævæ alimenta juventæ.  
 \* Belliale. Belzebub cum fratre ſuo \* fera bella movebit,  
 Vindiçtâ hoſtili ſic caſtigabitur hoſtis.  
 Nec deſperatur certus ſucceſſus, in ipſo  
 Effera Plebs aditu namque irruit impete toto.  
 Deinde frui campo da liberiore, recede,  
 Elude intentas obliqua corpore plagas.  
 Sed preme pectoribus cùm reſpirârît anhelis,  
 Et pete laſſatas geminato robore vires.  
 Semper enim injuſtæ ſupereminet æqua Potestas,  
 Pulſa diu & fixâ tandem ſtatione quieſcet.*

*Dixerat, Omnipotens conſenſerat indice nutu,  
 Propitioque gravem tonitru tremefecit Olympum.  
 Fauſta novâ ſerie poſthac effluxerat ætas,  
 Feſtinis læti fugerunt paſſibus anni.  
 Feſſides iterum ſolio conſedit avito,  
 Et promptæ agnôrant Dominum ſine murmure  
 (Gentes.*

FINIS.

---

*Corrigenda.*

---

Pag. 4. l. 10. traxitq; P. 5. l. 9. facilemve fidem. P. 10. l. 28. rarefecet.  
P. 19. l. 7. sana.

---